

BINT EL SUDAN
Perfume • Powder
Pomade • Deodorant

MARASHI ASILI YA MAPENZI
HAKIKA UTA FURAHU



HII NI TIMU moja ya vijana ambayo inafanya maendeleo mazuri katika Mombasa. Hawa ni watoto wa Kalojeni wanaojulikana kama "Chelsea FC" ambao wanacheza mchezo wao wa mwisho leo (jumaa dhidi ya timu ya Posta, Waliosimama ni Hemed Nassor "Chaguga", Ayoub, Kenyatta, Ali Bakari, Suleiman Nassor "Suche", Abdulkarim "Amba" na Lumumba. Waliouchutama ni Anwar Mbarak, Gordon, Ali Khamis, Hassan Kandindo, Hamdo, Muryoki na Breik Yislam.
PICHIA: SALIM BAHANNAN



Wasafishaji mashuhuri wa picha za rangi za **FUJI** ulimwenguni sasa wanapatikiana njini Mombasa

Aina zote za picha za rangi zinachapishwa: **FUJI • KODAK • AGFA SAKURA • COLOURAMA**

KWA USAFISHAJI WA PICHA ZAKO ZOTE ZA RANGI HAKIKISHA UNAZITUMA KWA MITAMBO MIPYA YA KISASAS YA FUJI

Zungumza na **Riaz Alibhai** kwa simu 313589, Mombasa ama fika kwenye mitambo hiyo mipya ya **FUJI**, iliyo pakana na afisi ya *Coastweek*, gorofa ya kwanza ya jumba la Banki ya Grindlays, katika barabara ya Digo Road na Nkrumah road.



Vitanda Vichache Hospitali

NATOA ombi kwa Serkali yetu tukufu chini ya Mtukufu Rais Daniel Arap Moi ifanye taratibu za kurekebisha hali iliyo katika hospitali Kuu ya kuzalia ya akina mama ya Coast General iliyo ko njini Mombasa.

Hakika hali mbaya iliyo ko sasa inasikitisha hasa kuona akina mama wakilalal kitanda kimoja wanawake wawili. Wanawake waliojifunga wana-stahili nafasi ya kutosha baada ya kujifunga ama kabla ya kujifunga.

Kuwaliza wanawake wawili pamoja ni shida kwani wengine huwa wazito na hata mara nyingine wengine hujiamulia kulala chini badala ya kulala juu ya kitanda kutokana na taabu aliyonayo mwenzake.

Natoa ombi kwa Wajumbe Wabunge na Madiwahi wa Mombasa washirikiane bega-bega katika kutatua matatizo ya mji huu na wafuate mfano wa Wajumbe wa Taifa-Taveta wanavyoshirikiana na kuweza kutatua matatizo yao.

Nachukua fursa hii pia kumshukuru Mtukufu Rais Daniel Arap Moi kwa uamuzi wake wa kumchagua Bw. Noah Katana Ngala kama Waziri wa Habari na Utangazaji Tunamuomba Bw. Ngala kila laheri, baraka na umri mrefu.

MNYIKA M. MWAIGHO, MOMBASA.

'Hatuvunji Timu Yo Yote' — Asema Sheriff Nassir.

na **Abdulrahman Sheriff**

MAKAO Makuu ya Chama kinachotawala cha **KANU** wilayani Mombasa kimetangaza rasmi kwamba kutakuwako na timu ya mchezo wa soka itakayojulikana kama **Kanu Mombasa FC**, timu ambayo itawakilishwa na wachezaji kutoka Wadi zote 24 za Wilaya ya Mombasa; wachezaji wenye maarifa na ujuzi wa kutosha wa kulisakata kabumbu la hali ya juu!!

Pendekezo la kuanzisha kwa timu hiyo ya Mseto ya **KANU** lilipitishwa kwa kauli moja kwenye Mkutano wa Viongozi wote wa Wadi 24 wa chama cha **KANU** wilayani, viongozi wa Kanu katika matawi madogo wa Mombasa Kusini, Magharibi, Kati na Mashariki uliofanyika kwenye Ukumbi wa Waislamu wa Sakina ulioko Majengo. Hakuna hata mjumbe mmoja aliyepinga azimio hilo.

Mkutano huo chini ya Mwenyekiti wa **KANU** wilayani Mombasa, Sheriff Nassir ulipitisha kwa kauli moja kuwa **KANU**, ikiwa ndicho chombo cha pekee nchini kuona wanamchezo wanajieleza na kuinua hali ya michezo nchini, lazima kifanye taratibu maridhawa za kuona maendeleo ya michezo yanapatikana katika kila sehemu ya Kenya.

"Hapana shaka uamuzi huu wetu wa kufungua timu ya **Kanu** Mombasa utasaidia sana kurudisha hadhi ya mchezo wa mpira katika Mombasa na Pwani nzima kuwa kama hapo zamani wakati mkoa wetu ulikuwa ukitowa Wanasoka wengi kuwa-kilisha Taifa letu katika mashindano ya Kimataifa dhidi ya Malaitia mengine katika Afrika Mashariki na Afrika nzima", alisema Bw. Nassir katika mahujiano na *COASTWEEK*.

UAMUZI huo wa **KANU** huenda umezishtua timu nyingi za hapa Mombasa kwamba pengine wachezaji wake wazuri wataitishwa na timu hiyo ya **KANU** lakini Bw. Nassir alivihakikishia timu zote za Mombasa kuwa visiwe na wasiwasi kwani timu hiyo itakuwa ikicheza mechi za kirafiki pamoja na kutanya ziara ya kutembelea kote nchini na nchi nyingine pekee!

Alifafanua zaidi, Bw. Nassir alive pia Mbugize wa Mombasa ya Kati na Waziri Mdogo wa Ardhi na Makao alisema kuwa timu hiyo itakuwa ni ya Kombaini ya Mombasa na itakuwa ikipambana na timu za mikoa mingine kwa michuano ya kirafiki ama ya kugombania vikombe fulani na itasimamiwa na Viongozi wanaopendelea Soka katika Pwani yaani (Shirikisho la Soka nchini (K.F.F.) tawi la Pwani.

"Hakuna timu itakayopokonywa mchezaji wake yooyote na wala si nia ya **KANU** kuona mageuzo ya mifumo ya uendeshaji wa soka mkoani lakini twataka wachezaji wetu mahodari wapate ujuzi zaidi ya kulisakata soka watakapotembelea nchi nyingine, kuona na kupata ujuzi wa wenzetu kote uli-



BW. NASSIR

mwenguni", alisema Bw. Nassir na kuengeza kuwa baadaye wachezaji wetu watanuataika na kurudisha tena hai njema ya soka mkoani.

Timu hiyo ya **KANU**, habari za kuaminika zinazoeleza, layari ina nguo ama mavazi rasmi yenye alama ya **JOGOO** iliyo pia alama ya chama cha **KANU** na rangi za nguo zake ni kama zile za bendera ya chama. Wadadisi wa soka wanaona kuwa timu hiyo itawafanya wateuzi wa timu ya Harambee Stars wanao-waona kila wakati wanasoka wa Pwani na huenda waka-wateua kwenye Timu ya Taifa.

Katika mkutano huo, mjumbe wa **KANU** katika wadi wa Kisau-ni (Mwanamama) alisimama kwa nidhamu na kuwaambia wajumbe wenzake "hakika ni jambo la furaha kuona **KANU** imeonelea umuhimu wa michezo na kwa niaba ya akina mama, napenda kupendekeza kuwa timu ya Netboli ya **KANU** ya akina mama ianzishwe pia kuinua hali ya mchezo huo katika Mombasa.

Bw. Nassir alikubaliana na pendekezo hiko na akamtahamisha mjumbe huo kuwa **KANU** ITAFANYA TARATIBU PIA ZA **KUANZISHA TIMU** ya Netboli kwa manufaa ya akina dada na akina mama wanaopenda na wenye nia ya kuendeleza mchezo huo. "Kuna mashindano ya Netboli kwa timu za Afrika Mashariki na Kati na kwa hivyo mchezo huo pia ni muhimu" akasema Bw. Nassir huku akishangiliwa na wajumbe waliokuwako mkutanoni.

Farucci

BINT EL SUDAN
Perfume • Powder
Pomade • Deodorant

MARASHI ASILI YA MAPENZI
HAKIKA UTA FURAHU

JISHINDIE VIATU MARIDADI VYA FARUCCI KWA MSHINDI WA KWANZA NA 'BINT EL SUDAN' - KWENDA KULIA:

1. Vitu au vyombo vinavyokwenda kwa magurudumu. 4. United Kingdom. 6. Kujikwaa. 8. Hufanya barabara kuwa imara. 9. Twavumbua. 12. "Hiena" imepungua herufi moja. 14. Kiungo cha maneno. 15. Kwazi cha kiume. 16. Hafifu, yenye thamani ndogo. 17. Keti. 18. Kipande cha mti cha kupikia.

KWENDA CHINI:

1. Majani ya mnazi. 2. Angalia, tazama. 3. Ni kiwanja maarufu cha Kandanda Dar-es-Salaam. 5. Bandari mashuhuri Afrika Mashariki. 7. Tamko la kukataa. 10. Kinyume cha konda. 11. Ananyonga. 13. Ukubwa. 15. Hamu ya maji.

MAJIBU YA SHINDANO LA FUMBO LA KUJAZA MANENO No. 217

KWENDA KULIA: 1. MASHAIRI, 5. NSO, 6. LAITI, 8. ABIRIA, 11. WAUME, 13. URU, 14. KUBALI, 15. KA, 16. ANA, 18. LAMU, 21. IF, 22. ALELEWA. **KWENDA CHINI:** 1. MALAWI, 2. HATAMU, 3. RN, 4. ISHIRINI, 7. IBEBE, 9. RULA, 10. AU, 12. UKAME, 15. KAA, 17. AFU, 19. UL, 20. CW.


WASHINDI WA FUMBO LA KUJAZA MANENO No. 217.

1. ESHA A. AHMED, Sanduku la Posta 86876, Mombasa, 2. Mrs. Jane Wugimbi, Sanduku La Posta 90581, Mombasa, 3. J. Chalala Sanduku La Posta 85696, Mombasa.

Shindano la Fumbo la Kujaza Maneno: —

Uamuzi wa majaji utakuwa wa mwisho. Hakuna malalamiko yoyote yatakayokubaliwa. Kila baada ya wiki mbili, Mshindi wa kwanza atapata viatu maridadi vya Farucci; wa pili atapata 'Bint El-Sudan-Gift Pack' na watatu atajinyakulia flana ya Farucci. Shindano hili limedhaminiwa na *COASTWEEK* Limited Mombasa. Jawabu za fumbo hili lipelekwe kwa Mhariri *COASTWEEK*, S. L. P. 87270, Mombasa. Mwisho wa kutuma majibu na Jumatano, September 18, 1985 saa, nne asubuhi.

GIFT PACK' KWA MSHINDI WA PILI NA WATATU ATAPATA ZAWADI YA FLANA YA FARUCCI CROSSWORD No. 218



JINA.....
SANDUKU LA POSTA.....

Nampongeza N. Katana Ngala

NAPENDA kutoa shukrani nyingi kwa Mtukufu Rais wetu Mpendwa Daniel Toroitich Arap Moi kwa uamuzi wake wa kumpandisha cheo alivekuwa Waziri Mdogo katika Afisi ya Rais, Mhesimiwa Noah Katana Ngala kuwa Waziri Kamili.

Hakika uamuzi huo umewafurahisha Wapwani wote kwa Mheshimiwa Ngala ametukua kuwa kiongozi mwenye busara na hekima na uteuzi wake kama Waziri wa Habari na Utangazaji umkuwa wa maana sio kwa Wapwani pekee bali hata kwa Wakenya wote.

Ningependa waziri huyo mpya wa habari na utangazaji afanabidi kuturudisha idhaa ya Pwani ambayo kwa hivi sasa haisiki tena mitamboni. Tunamuomba atufanyie hivyo.
ABDULRAHMAN BAFADHIL, TAKAUNGU